

司官屬五帝威靈洗滌過尤旁流福祉使龍

神正職安鎮其方沴氣邪精潛靈厚地凶災

珍息故氣消亡居止又寧存致安泰五瘟四

毒無害於人水火刀兵無傷於物七玄開度

長夜光明祿壽遐長子孫忠孝內無天橫家

有禎祥帝澤宸波永安於北極五風十雨咸

若於中天百穀豐登五兵儂戢飛沉蠢動九

夜三途俱仗玄功共均齋福上明

天尊大慈之澤下副信人至懇之誠謹啓以

聞

十二願

復爐 香官使者左右龍虎君侍香諸靈官當令

向來行道之所自然生金液丹碧芝英百靈

衆真交會在此香火爐前當願十方仙童玉

女接待蘭烟傳臣向來所啓速達徑御

至真無極大道

昊天玉皇上帝御前

出堂頌 出戶

道門科範大全集卷之四十一

道門科範大全集卷之四十二

三洞經籙弟子仲勵編

安宅解犯儀

散壇行道

法事如式

各禮師存念如法

宣衛靈呪

五星列照煥明五方 水星却災 木德致昌

榮感消禍 太白辟兵 鎮星四據 家國利亨

名刊玉簡 字錄帝房 乘騰散景 飛騰太空

出入冥無 遊宴十方 五雲浮蓋 招神攝風

役使萬靈 上衛仙翁 與道合真

鳴法鼓二十四通

無上三天玄元始三炁太上道君太上老君

召出臣身中三五功曹左右官使者左右捧

香驛龍騎吏侍香金童傳言散花玉女五帝

直符直日香官各三十六人出出者嚴裝顯

服冠帶垂纓闕啓玄壇土地方域神真臣今

設醮行道護奉為入意其諸誠悃已錄告聞

願得

太上十方正真道炁靈寶瑞光下降流入臣身中令臣所啓速達徑御

至真無極大道

昊天玉皇上帝御前

請稱法位

具位臣其與闔壇官眾等謹同誠上啓

太上無極大道元始天尊太上道君太上老

君十方無極大道道德聖天尊至真大帝

天帝三十六部尊經玄中大法師土府太皇

太始五帝中黃戊巳應感真靈臣聞萬象未

形一元肇啓虛无大道為生化之根元清淨

真風乃陰陽之宗本於是先分二氣後顯三

才尊卑之位既彰覆載之功攸著者冬穴夏巢

之代淳樸未移上棟下宇之儀易象方作莫

不裁形天地取法乾坤定方圓之規列陰陽

之數順之則自天垂佑福被無疆違之則萬

物延災禍生不測吉凶斯在今古攸遵况復

處世多端修心未至動貽悔吝易積愆瑕非

託上真無由解謝竊聞天尊設教真文啓穰

鎮之科大道垂慈靈寶有懺祈之典敢緣斯

旨輒備醮壇瀝懇諸天告盟五帝莫蒙鑒佑
俯降威靈俾天地靈司陰陽濼屬迴雲迓景
下察啓析采納丹誠露流鴻福與齋官合
壇衆等無任瞻望

天衢激切欽竚皈向之至誠惶誠恐稽首再
拜奉迎仙駕

降真 上茶 初獻 散花

臣謹重誠上啓

九清上聖三界威靈伏聞至誠可以感神作
德而能銷災景公懼禍而榮感退舍黃帝用
道而蚩尤辟兵瓊繫繚澤可以薦群神齋戒
沐浴可以祀上帝自惟弗類實懼乃心法天
象地以建香壇捧塊摘芹而伸醮禮遵靈寶
析恩之典法真師謝過之儀仰望真靈俯矜
凡悃臣既承詞旨敢不上聞齋意忱誠謹當
宣奏

宣詞

按如詞言誠為至切醮官某身同腐器命若
垂絲縹緲雖本於自天感應實由於在己此
生何託惟道是依輒披肝膽之誠上瀆清寧

之鑒所有與修觸犯前後過愆輒對真靈披
陳解謝醮官某家居宅之內若犯觸天神者
請皇天上帝解謝之若犯觸地神者請后土
九皇君解謝之若犯觸東方青龍支干禁忌
神者請東方七宿星君解謝之若犯觸南方

朱雀支干禁忌神者請南方七宿星君解謝
之若犯觸西方白虎支干禁忌神者請西方

七宿星君解謝之若犯觸北方玄武支干禁
忌神者請北方七宿星君解謝之若犯觸中

央勾陳支干禁忌神者請北斗七元星君解
謝之若犯八宅五宅一十四宅神者請九老

仙都君解謝之若犯子丑寅卯辰巳午未申

酉戌亥十二支神者請天上客星君解謝之

若犯甲乙丙丁戊己庚辛壬癸十干大神者

請天上御史君解謝之若犯乾坎艮震巽離

坤兌八卦大神者請道德君解謝之若犯建

除滿平定執破危成收開閉神者請天一貴

人君解謝之若犯天道地道人道神道者請

長生君解謝之伏願各安乃位永奠厥居赦

罪宥愆流恩注福敷佐天育物之德推助道

與化之心係家宅之安寧莫神明之協相式

彰洪造俯慰凡情與齋官合壇衆等無任

懺謝希恩之至酒陳亞獻

臣謹重誠上啓

陽官屬六甲禁忌一切神明伏聞真道香冥
體無為而化物聖人敷妙因立教以垂文善
惡必彰吉凶無爽今謹有醮官某伏慮運行
舉措違悞神明相宅卜居犯干禁忌或移川
塞澗增下損高土木興工穿鑿傷性不陰陰

陽之理罔知衰旺之宜況復古往今來陵遷
谷變所居之地終始難明或是城邑遺基神

祠舊址或是真壇福地古廟靈蹤或昔人戰
鬪之墟或先哲會盟之所或曾為窳窳或舊

有丘陵或先聖壇場或龍神窟宅或叢林聚
異或水石藏靈既迫俗居寧無蔡漬恐因觸

犯遂結災衰以今吉日良時披心大道按天
師科格遵靈寶文儀虔請衆神仰伸懺謝若

弟子某居宅之內犯觸太歲將軍者請紫微

宮方伯君解謝之若犯觸太陰歲殺神者請

與化之心係家宅之安寧莫神明之協相式

彰洪造俯慰凡情與齋官合壇衆等無任

懺謝希恩之至酒陳亞獻

臣謹重誠上啓

天上貴人君解謝之若犯觸歲刑歲破神者請鎮星君解謝之若犯觸黃幡豹尾神者請太白君解謝之若犯土豹宅神者請地侯君解謝之若犯日遊月建神者請義和君解謝之若犯太陰太陽神者請乾坤君解謝之若犯雷公霹靂神者請紫微君解謝之若犯觸威池力士神者請離兌君解謝之若犯觸天狗地囊神者請諸天父君解謝之若犯觸年刑月害日惡時凶神者請元女君解謝之若犯觸青龍神者請東王公解謝之若犯白虎神者請西王母解謝之若犯觸朱雀神者請炎帝君解謝之若犯觸玄武神者請玄冥君解謝之若犯滕蛇后土神者請胡越君解謝之若犯五土眷屬神者請五靈老君解謝之若犯陰宅陽宅刑福神者請日月君解謝之若犯飛廉邪忌神者請太一君解謝之若犯死喪縣獄天禍神者請韓君丈人君解謝之若犯金匱玉堂天福宅德天倉天府天門地戶人道鬼路神者請都統君解謝之若犯大耗小耗四徹三刑天羅地網八魁九妖弦望晦

朔陰陽滅殺神者請道化君解謝之若犯父母眷屬十二命坐神者請延壽益壽君保護之若犯六畜蟲命之位神者請好生度命君衛護之乞使七十二神二十四吏陰陽正職內外神靈安鎮其方各居所部屏凶衰於四境除災疹於八方殃咎永消休祥密降增壽年於生錄祿祚惟新釋罪目於陰曹疫癘無作家傳孝悌門襲忠良常承至道之恩克荷神明之佑臣與顯官合壇眾等無任懺謝之至酒陳終獻

重稱法位

具位臣某等謹同誠上啓

九清十極衆聖高真六甲三元陰陽正職靈壇應感三界威靈臣等依按明科恭陳熙禮荷真靈之降顧享誠意之恪勤啓謝既周復升官闕雲輦羽蓋將返虛无延臣降失儀薦陳乖禮在上帝憫其罪咎冀百神恕其愚庸以百姓之心爲心因斯民之利而利求愈多而與愈有厚不因而生不傷地乎天成陰誘默相勿奪其鑿庶逃故悞之愆相協厥居俾遂生

成之理臣等疑瞻法從結想太空極恨塵埃難留聖躅臣與齋官眾等無任瞻望雲闕激切攀戀依歸之至謹啓以聞

復壇

香官使者左右龍虎君侍香諸靈官當令臣向來設醮行道之所自然生金液丹碧芝英百靈衆真交會在此香火爐前當願十方仙童玉女接侍蘭烟臣向來所啓速達徑御至真無極大道

昊天玉皇上帝御前
送神 化財 念善

道門科範大全集卷之四十二